

Сафар ва унинг зидди қазо намозни ўзгартирмайди | Фикҳ дарслари (249-дарс)



19:00 / 29.09.2023 3356

Сафарнинг зидди ҳазардир. «Ҳазар» дегани сафар бўлмаган ҳолат, ҳозир турган ҳолат деганидир.

Сафар ва ҳазар қазо намозни ўзгартирмаслиги қазо намозни ўқиш пайтининг унинг қандай ўқилишига таъсири йўқлигидандир.

Мисол учун, биров сафарда қазо намоз ўқимоқчи бўлса, намозни қай ҳолда қазо қилгани эътиборга олинади. Агар ҳазарда қазо қилган бўлса, гарчи унинг қазосини сафарда ўқиётган бўлса ҳам, тўлиқ ўқийди. Сафарда қазо қилинган намозни ҳазарда ўқиётган бўлса ҳам, қаср қилиб ўқийди.

Маъсият сафари рухсатларда бошқаларига ўхшайди.

Чунки ифтор (рўза тутмасликка) ва қасрга рухсат берган оят ҳамда ҳадисларда сафарнинг қандай бўлиши шарт қилинмаган. Уларда умумий «сафар» истилоҳи ишлатилган.

Аллоҳ таоло Моида сурасида:

طِبَابًا صَعِيدًا فَتَيَمَّمُوا مَاءً يَحْدُوا فَلَمْ يَلْبَسُوا لَمَسْتُمْ أَوْ الْغَائِطِ مِنْ مِّنْكُمْ أَحَدٌ جَاءَ أَوْ سَفَرٍ عَلَىٰ أَوْ مَرَضٍ كُنْتُمْ وَإِنْ

«Агар бемор ёки сафарда бўлсангиз, ёхуд сиздан бирингиз ҳожатдан келса, ёхуд аёлларга яқинлашган бўлсангиз-у, сув топа олмасангиз, покиза тупроқ ила таяммум қилинг», деган (6-оят).

Аллоҳ таоло Нисо сурасида:

الصَّلَاةِ مِنْ نَقَصُوا أَنْ جُنَّحٌ عَلَيْكُمْ فَلَيْسَ الْأَرْضُ فِي صَرْبِكُمْ وَإِذَا

«Ер юзида кезиб юрганингизда намозни қаср қилишингизда сизга гуноҳ йўқ», деган (101-оят).

«Кифоя» китобининг биринчи жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2022 йил 5 октябрдаги 03-07/7013-рақамли хулосаси асосида чоп этилган.